

SOLOMON

Isor do Solomon t.hen kukmu~te sodorenteye metadea; Ma khojme cet' in' emama. Solomon do akele khojket'a. Thor.a din tayomre barea maejiu lapaliskin hec'adea; unkin do mit' t.henkin tahena, ar bana hor.ge mimit' got.ec'kin gidra.wana. Mit' maejiu do mit'din n'inda.re ac'ren gidra. gitic' lot.omkedeteye ten goc'kede, ar beret'kate dosaric'ren gidra. gabr.eante bodolte ac'ren goc' gidra.i ha.mbut' ot.oadea. Bana hor. do tirit' lekakin ror. gujuk' kana, jivet' gidra.ren en'gat ka.na.n' mente. Solomon doe hukumket'a, Den tarwar.e a.gua.n'pe. Tarwar.eko a.guket' khane hukumket'a, Ma nui jivet' gidra. bara ba.rite par.agepe ja~ha~lekate bana hor. a.kinak' bakhrakin n'am. Khange unkin modre mit' maejiu a.d.i garteye menket'a, Uni bar.e emaepe gidra. do, alo babape par.agea!

Uni dosaric'e menket'a, Ma par.agepe tho, ja~ha~lekate amren ho~ ban' in'ren ho~ ban'. Khange Solomone bica.rket'a, Gidra. jivet' taken n'am kanic' do gidra. emaepe; ente inige gidra.ren en'gat. Joto Isra.yel hopon ona bica.r an'jomket'te raj a.d.i ko boroadea; enteko n'elket'a, Isor reak' akeltete d.abao akana mente. Solomon do joto hor. khon akelane tahe~kana; uniak' akel do a.d.i sa.n'gin' d.amd.aheyentaea, ar Sebaren ra.ni do uniak' akel an'jom la.git'e hec'adea.

Solomon do a.d.i phen ar binti katha ar seren'e jor.ao akat'a. Uni do bora bor sulukte din calak'kan tahe~kanta, ar Isra.yel hopon do ako akoak' darkha dare ar loa dare umulre kha.tirjoma dinko t.alaoet' tahe~kana. Uni do sa.n'gin' disomrenko tuluc'e ba.nij beparet' tahe~kana ar a.d.i ba.r.ic' dhone upca.uana. Uni do Jirusalem reak' Moria burure bondobos ta.mbu bodolte mit't.ec' a.d.i t.hosok mundil Probhui benoadete ona reak' sonot uta.rak're bondobos-sunuduke dohoket'a, E Probhu, sermako reak' sermare bam sahop' kana, in'in' benao akawat'me ba cetatak'. Enreho~ am do noa or.ak' khon rakap'am mit' ke mit' nindha.n koejon' do amak' sermare bar.e an'jomme! Ar Isra.yelrene ban' kan ja~ha~e bidisia. hor. noa or.ak're koejon'e hijuk' khan, uniak' koejon' ho~ bar.e an'jomtaeme.

Solomon do muca.t' dha.bic' nonka dhorom do bae tahe~lena. Uni do

a.d.i uta.r bon'ga hor. kur.iye baplaket'koa are har.amen khan, onko
do uniak' mon nuna.k'ko or lad.eket'taea, bon'ga hor.koren bon'ga
mut.ha.n la.git' pind.e benaocket'a. **(1 Raj.3-11)**